

月屋漫藁



天台山人黃庚撰



五言律詩

漁隱為周仲明賦

一笠戴春雨扁舟寄此情
世間塵網密江上釣絲輕
不羨魚蝦利唯尋鷗鷺
盟狂奴臺下水猶作漢時清

九日偶書

水國鴈已到山籬
菊未開判吹頭上帽
莫放手中杯暮雨滕王閣
西風項羽臺人生能幾履
餘恨付蒼苔

秋晚山行

鏗然短策聲無事，覺身輕。落葉山行，輾流泉澗，飲清蟹痕沙。
露濕鴈影夕陽明，歸路逢林叟，班荆軟隱盟。

夜坐即事

對景坐清夜，蕭然鬢已華。詩慳難就藁，燈暗不成花。易醉愁
遣酒頻歸，夢裏家。何時鋤舊圃，學種邵平瓜。

禹廟送春

歌鼓滿湖濱，傾城出送春。波光明畫艇，山色醉遊人。禹穴靈
何在，梅梁迹已陳。我來閑弔古，回首一沾巾。

晚窓即事

一枕紗窓下，池塘草夢殘。炷雲金鴨暖，滴露玉螭寒。晉帖從
頭寫，唐詩著眼看。晚來吟思倦，和月凭闌干。

幽居

幽居少塵事，贏得一身閑。竹屋無人到，柴門盡日關。斜陽明晚
浦，落葉瘦秋山。隔水雙飛鷺，忘機自往還。

宿龍瑞山房次周雲隱韻

木葉秋容瘦，客懷思故鄉。澹雲微見月，薄露不成霜。忽、朱顏
改，悠、白日長。空心仍獨夜，減盡昔年狂。

寄表兄王升之

客袂臨分日，楊花落酒邊。重來期半月，一去忽經年。莎草平詩
屋，江潮沒釣船。何時歸舊隱，風雨對牀眠。

翠峰庵即事

竟日尋幽處杖藜不憚遙客行黃葉路僧立碧溪橋岩瀑飛寒雪松風吼夜潮是山皆可隱何用楚詞招

王脩竹館舍即事

池館翠深處寬閒稱客居未仙猶閨苑不夢亦華胥竹淨堪居鶴荷香欲醉魚心清無箇事長日一編書

寄雲谷王府判

曾記還家日重來約夏初自從一別後又是十年餘原憲非關病嵇康懶寄書無從問消息近况果何如

餞越守

旌旆漲天飛江山慘夕暉傾城餞州牧別淚點朝衣人指生祠說春隨祖帳歸自來言越瘠公去轉難肥

別山陰諸友

好風殘臘盡春意動園林柳色獨青眼梅花同素心江湖方轉徙歲月自侵尋思別山陰去徘徊憶舊吟

贈葛秋岩時寓能仁蘭若

蘭若分清隱秋窓飽看山風霜雙鬢老天地一身閑拄杖穿雲去吟囊貯月還詩成誰與語時訪竹林間

書懷

平生湖海氣老去歎飄蓬知命難求富安貧不送窮江空思

捉月天濶欲行風俗眼從渠白無人識此翁

寄菊坡吳府判

客懷元自惡非是為秋悲一別又三載百年能幾時音書無
鴈寄心事有鷗知遙想菊坡菊西風香滿籬

夜坐即事呈脩竹監簿

一室冷於冰秋高夜氣清月窓換燭影風葉亂琴聲寡慾知
身健安貧覺累輕吟遶閒倚竹誰識此時情

晚春即事

園林芳事歇風雨暗荒城轉眼青春過臨頭白髮生啼鴉亡
園恨歸鶴故鄉情三徑多荒草東還計未成

登寶林佛閣次韻

曳杖陟高閣登臨思渺然閒身空歲月老眼幾山川落照明
秋浦飛帆濕暮烟倚闌悵今昔餘恨付吟篇

夜坐讀書

寂莫寒窓下觀書勝苦吟青燈風雪夜黃卷聖賢心吾道關
興廢斯文幾古今鳳子胡不至三歎淚沾襟

春日西園晚步

為愛園林好支筇伴獨行花香能醉蝶柳色欲迷鶯但得青
春在何妨白髮生斜陽紅盡處一抹暮山橫

書所寓

不厭茆廬小，栖寄此身菊。殘如倦客梅，瘦似詩人有。地堪
藏拙無醫可，療貧并州故。鄉夢長憶鑑湖春。

書懷寄吳諸友

寂寞茆簷下，窮居更待時。吾儕貧可忍，餘子俗難醫。風月
宜酒江山都是詩，廣文無鄭老誰與共襟期。

題義上人清虛閣

偶來成一宿，便覺與禪通。看塔月影盡，捲簾秋色空。日知釋
氏學，亦有晉人風。吟到忘言處，悠然此意同。

秋夕和呂講師韻

誰彈招隱操，雲外伴清幽。午夜山林月，一花天地秋。徑窅涼
影澹，禪榻古香浮。不作蟾宮夢，淒然憶舊遊。

偶書

豪氣消磨盡，携書客海濱。文章難遇主，天地不憐貧。家累依
劉表，妻兒笑買臣。彼蒼還可問，吾道幾時春。

九日

萸節今朝是，秋光又一年。但教樽有酒，休問篋無錢。白髮羞
唐帽，黃花識晉賢。龍山渺何許，回首思淒然。

送別胡汲古

自憐身是客，又送客登舟。雖有重來約，難禁一別愁。風烟迷
柳驛，草樹暗春洲。後夜懷人處，山空月滿樓。

西嶼郎事

松陰迷草徑，緩步曳吟筇。秋鶴有仙意，寒花無冶容。漁洲烟浦笛，僧寺夕陽鐘。回首來時路，白雲深幾重。

春日和韻

新晴天氣好，老去倦尋芳。桃李自春色，園林又夕陽。捲簾通燕入，掃徑惜花香。寒食清明近，松楸憶故鄉。

述懷

柴門閒掩畫雲護，竹窓深茂草多生。意枯松見古，心有書消白日無。術化黃金客，問生涯事長年只苦吟。

對竹

門對南隣竹，青玉萬竿。雖然無地種，且得隔籬看。露葉晴猶濕，風枝夏亦寒。但教休剪伐，日用報平安。

秋色山陰詩社中選

憑高望不極，望斷動愁情。落日淒涼處，西風點染成。丹楓明野驛，白水浸江城。馬上人回首，戎豎黯客程。

幽居

結屋依山住，幽窓與靜宜。藤花上踈竹，苔石卧荒籬。挈榼童沽酒，敲門客送詩。老慙生計拙，役又何為。

懷友

柴門春事盡，未見故人来。樹密鳥相語，山空花自開。傾心多

日別屈指幾時回為問頻書札何時共酒杯

夏夜小酌

小酌酬清興凭闌看月移分茶醒醉客添燭了殘碁螢影
明桐井蛙聲出草池荒城江漏遠試問夜何其

王脩竹約觀打魚分韻得圓字

隔岼呼漁伴輕篙破曉烟鳴柳舟葉聚撒網浪花圓飽鷺
窺高樹鷺鱗過別川洋聊付物生意自無邊

新鴈

來賓何太早嘹唳過南樓數點乍離塞一聲初報秋行驚
客眼字寫鄉愁仗節人何在帛書能寄不

病中

讀易窓閒久多時不點硃硯乾蟾渴水篋破蠹侵書氣味
如僧淡形容似鶴癯交遊空滿眼誰念病相如

月山書館

山色青邊屋幽深稱隱居瓶梅香筆硯雪冷琴書壁有先
賢像門無俗客車代耕惟舌在何必耦長沮

秋夜獨坐

黃庭重讀罷掩卷對寒檠髮為憂時白心同學道清一窓秋
月色四壁夜蛩聲坐倦閑歌枕詩成夢不成

九日書懷

客鬢同秋老，鄉心逐雁飛。重陽今日是三徑，幾時歸。籬下多黃菊，門前少白衣。無人慰，空寂獨立對斜暉。

古松

天矯森寒翠髯蛟，勢倚天高陰無六月老。氣已千年斲藥人，能壽巢枝鳥亦仙。秋風響柯葉彷彿奏虞絃。

聽雪

撲簌敲窓紙，寒齋剗水濱。六花初落夜，孤枕未眠人。耳靜聲逾細，心清趣自真。愛梅情更苦，恐壓一枝春。

石窓為明上人賦

何年鑿山骨，八面鎖蒼苔。海月照還白，天風吹不開。玲瓏宜丈室，明潔稱經臺。眼界皆通透，閒雲任去來。

對鏡

勲業夢不到，曉窓時一看。是非湏內照，妍醜付旁觀。客鬢從巢白，詩肩本自寒。儼然瞻視處，賴汝整衣冠。

夜坐

世事等輕雲，蘧廬寄此身。青燈少年夢，白髮異鄉人。按劍驚山鬼，吞丹養谷神。黃庭重讀罷，吾得葆吾真。

西州即事

一雨洗空碧，江城獨倚樓。山吞殘日沒，水挾斷雲流。燈影深村夜，鐘聲古寺秋。西州舊遊地，十載此淹留。

春日即事

扶杖行幽徑園林欲暮天錦棠紅濯雨絲柳綠縹烟春事忽
三月風光又一年客懷正愁絕那復聽啼鶯

採菊

籬東閑採菊三迳碧苔深曉露冷雙屐秋風香一襟餐英供
小酌嗅蕊伴清吟會得悠然處方知靖節心

春日

春色濃於酒何須醉玉觴柳疎鶯占影花雜蝶分香注事隨
流水閑愁付夕陽吟邊自歌舞猶學少年狂

六月白菊

壽客背時芳何須晚節香人間方夏熱籬下自秋光便是重陽
日真成六月霜若教陶令見應以醉為鄉

白蓮

恭華峰頭種移根植野塘一池秋夜月萬柄曉天霜西帝羅
青蓋真妃逞素粧鶯飛無認處烟水暮雲鄉

石門

羸馬東山路駸々抵石門落花春夜雨流水暮烟村久客悲
行役清愁攪夢魂勞生多感慨餘恨付乾坤

書山陰驛

迢遞三山道重来感舊遊潮聲寒帶雨山色淡生秋寄驛通鄉

信題詩記旅愁江湖十年客兩度到西州

偶書

老眼看書暗桑榆景漸催文章身後貴懷抱酒邊開燈火夢
猶在功名心已灰客來休問字且覆掌中杯

宿甘露寺

山險疑無路縈迴一徑通鐘聲寒瀑外塔影夕陽中窻出茶烟
白爐分葑火紅禪房遇耆舊清話數宵同

江樓

凭高閒眺望老眼倍增明林白山雲出潮紅海日生登臨懷舊
恨吟笑遣閒情客裏逢心友開樽叙昔盟

竹杖

一枝蒼節瘦恰稱地行仙不但挑詩卷尤堪掛酒錢看梅敲
雪落引鶴卓苔穿莫近葛陂水化龍蜚上天

次韻書懷

風霜頭已白悔不早歸耕客路遠千里儒冠誤一生世情雲
共薄心事月同明老去便踈散逢人懶送迎

秋日

旅食幾時休生涯未有謀西風一夜雨落葉萬山秋起石終當
隱草玄殊可羞江鄉烟水遠何日買歸舟

贈皎上人

破衲和雲着何時下赤城高年頭未白得道骨全清詩思秋
空澗禪心夜月明何當捐世事來結遠公盟

王直翁相過

芒鞋朝踏雨來自赤城山久別翻生面相看各老頽開樽茆
屋裏煮茗竹林間此去須榮遇寧愁行路難

鴛鴦梅

孤花忽嫵媚並蒂占春陽自有雙成意全勝姑射粧月溪同
浴影雪樹共棲香玉笛頻吹處交飛落野塘

王琴所話別

羈懷不可述賴有古琴知客舍相逢日江楓正落時夕陽村
店酒秋色野橋詩別去吳江上悠、動遠思

除夜即事

除夕無詩侶燈窓酒獨斟三更風雪夜一片歲寒心衰老常憂病
清閑不廢吟明朝年八十晚景惜榆陰

王可交昇仙臺四首

臺在青龍鎮南

人去臺猶在飛昇事可嘉神仙多變幻塵世撻虛花煉氣穎
難老勞心髻易華千年留古跡題詠屬詩家

異人鍾秀氣草木亦精神見說為漁父誰知悟道真仙家多
勝景境世路有迷津安得騎黃鶴相隨入昊旻

仙翁不可見惟有一空亭地冷春留雪林深晝見星松篁團

秀色蘭蕙吐幽馨立盡斜陽影閒看鶴刷翎

我來閒弔古觸景覺淒涼踏石雲侵履捫蘿露濕裳森々林
木茂馥々野花香寺近尋僧話談禪坐竹床

冬夜即事

獨寢書窓下其如寒夜何頭邊枕黃爛脚底踏湯婆帳梅
花暖布衾春意多道人無妄想夢不到南柯

寄友人

相望咫尺地久不到蝸廬室邇人何遠心親迤任踈交游常念
舊情意只如初我欲携囊去相逢勝寄書

偶書

老來驚歲晚愁裏度年華雲凍天將雪山寒梅未花曉窓留客
飯午寺覓僧茶歸路江村暝行々及暮鴉

孤鴈

長空獨嘹唳隱約背斜暉塞北離羣遠江南失侶歸度雲憐隻
影照水認雙飛却羨投林鳥相呼入翠微

呈曾蒲澗提刑乃茶山後人茶山曾以活字詩授陸放翁

詩自茶山後如公世所稀特來叅活字應官授玄機寒澗孤松
老秋雲獨鶴飛台山千萬丈望々未能歸

和茅亦山韻二首

一生場屋夢老去付悠々始信功名事難為智力謀有才如孔

孟無命不伊周吾道今如此蒼天可問不
愛靜吟成僻耽書近欲癡事多因錯省節不為貧移長物新添
畫生涯舊有詩窮通係天命知命復何疑

題嚴子陵

故人雖即位自不願為官天下事已定山中人可閑一絲江月
色千古客星寒捷徑終南士聞風定赧然

除夕

爆竹驚殘臘冬春此夕分且斟分歲酒懶賦送窮文客思愁簷
雨鄉心逐海雲陽和在何處明日問東君

和鄭梅深有錢唐十詠

江湖新識面恰似舊相知腹貯三餘學才工十詠詩聲名蘇太
史家世鄭當時客路携琴去終須遇子期

即事

雀羅門戶靜無客扣柴扃索句鬚先白看書眼尚青雲粘題
石壁月浸汲泉瓶笑殺利名客沈酣死不醒

對客

窓下篝燈坐相看白髮新共談為客事同是異鄉人詩寫梅
花月茶煎穀雨春明朝愁遠別離思欲沾巾

寒夜呈梅深

空齋對孤客寂寞似僧家爐冷頻燒葉燈昏不吐花夜長添睡

思歲晚憶年華吟倦推窓坐梅簷月未斜

林霽山架閣同宿山中

秋風山館客移席近汀前共語忽深夜相看非少年斗垂天未樹
鱗出雨餘天亦有茆簷下飯牛人未眠

遊東庵

庵連兜率寺三徑竹邊開林密暑不到窓虛月自來暮山啼
鳥靜雲樹嘯猿哀拂拭殘碑字年深半綠苔

贈了上人抄化

破衲卷秋雲入山深更深近聞營梵剎應不累禪心寒瀑瀉蒼
壁晚花生古林遙思明月夜誰聽穎師琴

呈毛一齋先生

前輩彫零盡如公尚典刑為僧眉獨白見客眼長青教子成
三俊傳家有六經我來問竒字應許扣柴扃

別徐敬菊

契濶又兩載光陰一擲梭祇因離別久不覺語言多安得長
留此其如欲去何詩盟終未冷早晚更相過

寄姜仕可

自後相別後消息杳無聞西地共明月一江空暮雲何時重會面無日不思君老杜襟期事題詩寄廣文
獨學苦無友年來媿廣文懷賢歌伐木憶別賦停雲病後少
出戶夢中多見君盍簪須有日却與共論文

寄月山太守

下車方數月早已政聲馳太守一身瘦東川百姓肥勤勞惟
聽訟閑暇即吟詩官况依然在何須賦式微

歲晚書懷呈月山太守

光陰催我老衰病亦堪憐殘臘不多日餘生能幾年有為俱是
妄無事即成仙近得安心法蒲團學坐禪

鶴林仙壇寺

古壇歸鶴杳野廬自成羣嵐氣浮清晚鐘聲出白雲樹穿僧屋
老水到寺門令人世無窮事山中了不聞

五言古風

擬古

晚中有幽蘭風露飽清抱含章不求聞坐見九秋老夫君日已
遠佩飾為誰好何如飲餘芳山林養枯槁

驪龍有明珠奇氣久磅礴一為鮫人乘夜半泣海若至寶諒難
得珍藏思遠託如何賤所貴用之以彈雀彈雀亦何惜一去恐流落
名門有貞女始結絲蘿盟嫵婉席未溫良人已遠行遠行何時歸妾
身不自輕空幃守寂寞誓以終此生雖云受恩淺耿々懷至
情

山中怪物變草木自四時秋水照短髮血氣日以衰寒藤不
知枯青々上踈籬繁陰縱有托已迫風霜期餘生方自憐孤
吟欲何為

徂徠有嘉木，高連天。脩柯濯雨露，沃葉藏雪雲。烟根蟠
九地，暖聲落四壁。寒由來所養，不與春相干。歲久產茯苓，玉色
腴且堅。山人劓為藥，至味通靈仙。願言事服餌，身可三千年。

旦景

鷄鳴起濯髮，披衣出戶牖。自汲古澗泉，落月猶在手。三漱吞朝
霞，餘光散花柳。茲意難語人，延佇忽良久。

至後

道人坐茅宇，獨抱無絃琴。對此景物變，夕雲散還陰。雨氣一
簾潤，雲意千山深。新陽暢微暄，踈花點孤林。芳時坐消歇，孰
同歲寒心。孤梅發清夜，庭樹驚棲禽。

故相賈秋壑舊府

當年構華屋，權勢傾衛霍。堂宇窮斧斤，天氣煥丹雘。花石擬平
泉，水陸致茲壑。惟聞丞相嘆，宵後天下樂。朱門鎖荆榛，花木已
蕭索。蒼生顛墮崖，國亡身孰托。空悲上蔡犬，不返華表鶴。丈夫
保勲名，風來照麟閣。胡為一聲鉦，聚鍊鑄此錯。回頭暮烟昏，不能
掩餘怍。

九日會王脩竹西樓預坐者七人以落霞與孤鶩齊飛分韻
予得落字即席走筆

丹、五雲深山西日光薄，登樓集群賢。縱目天宇廓，落木悲徂年。
寒光照杯酌，浩歌興悠然。意行非澗壑，緬懷龍山遊。此樂久寂寞。

胡為落帽人白首戀賓幕醉餘發詩情分韻盡佳作吾愛漉酒
中西風吹不落

綠珠

娉婷石家姝榮顯晉朝使斛珠不論貧得備中櫛侍一笑金谷春
粉黛皆歛避豈知步障中乃後為愁地念主愛妾深目妾為主累
樓頭風月愁殘花抱春墜

燕子樓

繁華隨逝水日暮高樓空哀徐陵妾事主不及終空房輟膏沐
明粧為誰容春風燕子來秋風燕子去來影帶雙孤寫抱憔悴

平回首醉倚詩百花不敢媚

潘淑妃

二八入宮掖一笑輕三千雲階渺何許步生金蓮繡鞋不
勝春風若凌波仙紫華一回首荆棘生我前君恩花上露妾心
井中泉井泉誓不波下照青三天

秋胡妻

陌上桑葉稀家中蠶正飢妾心知採桑安知使君誰結髮為人
婦幾人守空幃婦義不移天黃金欲何為老姑倚門久不待
盈筐歸為妾謝使君風化關庭闈

紀夢是歲大旱

老年屏人事北窓寄高眠夢魂御風去金闕開九天虎豹猙不

嗔知予有仙緣玉座擁五雲香爐飛紫煙青衣兩童子舉手導
我前下土蟻虱臣愚哀欲敷宣兵戈幸休息飢饉方連綿洪
惟大生德實司水旱權願言回衷眷與世解倒懸上帝允臣請乃
曰賜豐年再拜謝闕下回颺墮林泉夜雷聲殷甘澤朝滿田
沉思喜且驚異夢非偶然士懷當世憂
貞觀有房杜
斗米三文錢

病後謝友人顧問

索居坐孤陋却掃甘隱淪荒徑無轍迹蓮藿方蒸風雨撼
四壁一榻寄屈伸誰念相如病豈堪原憲貧友人隔河梁懷思
賦停雲柴車忽過我問勞何殷勤促膝話契濶道合清更親
語言邁流俗意氣含至真情懷談不盡浣我曾中塵盤蔬與
束脯草為爾陳瓦盆煮新酒味有太古春作徒洗硯磊亦足消
鬱陞北窓坐終日薄暝生秋旻斜陽戀客影把袂不忍分此去
歲月邁何時復相親我輩重道義勢利何足云榮華易消歇德
齒久彌新願言保名節努力配古人

遊謝仙岩飛霞觀巖下李叅政墓

鬼工鑿山骨何年驅六丁飛霞遠石洞縹緲開珠庭永懷謝
仙伯坐斷山水城我來事幽雅登臨委客情松風驅溽暑自
覺毛骨清猿鶴亦仙意人生空營石麟卧荒草問是誰家
瑩野老對我言其人昔公卿金玉埋黃壤送日冠蓋傾興衰

變百年所重非脩名乃知鐘鼎貴不如芝薇馨所以世外人返
老還孩嬰倚杖空嘆息洞口雲冥：

約王琴所不來舟中偶成

清颺捲炎埃碧水出秋素迢々見山亭回首隔煙霧酒帘颺
漁邨笳鼓饗軍成倚蓬問舟人云是三江路籬落鷄欲棲野水
牛已渡釣翁炊荻烟稚子收漁具抱琴人不來殘陽在高樹

種松

去年種松樹未有蒿與蓬今年松漸長埋沒蓬蒿中老髯何
蒼々歲華不改容回視蒿與蓬零落悲秋風

題三月梅花卷

紛々姚魏家顏色競嫵媚人方眩春華東皇出古意素花飭
鼎寶縞袂立蒼翠猶如喧啾中孤鳳忽呈瑞歸然山林尊坐
使衆芳愧

讀文丞相吟嘯藁

垂々大厦顛一木支無力精衛悲滄海銅駝化荆棘英風傲几
礎濱死猶鐵脊血洒沙場秋寒日赤為碧惟留吟嘯編千載光
奕々

雲間有懷

風流懷二陸才名動三吳荒塚今何許千載空烟蕪當時逞
文筆萬象爭先驅有如明月壁美價傾鴻都古運有翻覆韞

匱空良圖惜哉去就輕喪此千金驅人生各有死百年同湏臾獨
遺文字芳乃與天壤俱淒。九山塞舟。谷水枯白鶴久已寂
黃犬不復呼斯人今已矣弔古空嗟吁

偶書

百歲集孤夜山樓起呼月秋蟲聲轉悲感此衆芳歇人身非
金石青鬢忽已雪逾淮橘心秋出山泉水汨漪蘭抱香死不
受蒸菴沒

鳳德嗟已衰宣尼欲浮海賴有載道徑神功補元宰刪詩挽風
變繫易憂世駭春秋筆削嚴西秦書乃采微義將誓周逆悲
大運改悠。千古心後死文書在

古意

庭前有高樹風撓無停枝寒鳥噤不鳴夜半環樹飛託身未得
所三匝情依。高飛犯霜露佞飛觸節茨乾坤豈不容振羽將安
之徘徊戀明月顧影徒傷悲

感懷

入山採芝薇豺虎據我丘入海尋蓬萊鯨鯢掀我舟山海俱有
礙瞻望凝遠愁乾坤如許大此身常浮漚依託豈無地皇。將
安求何當跨鳳鵬相從安期遊

七言絕句

書懷

孤舟獨釣三首
何人江上弋寒鳧暮色蒼茫野艇孤借問醉醅浮漢水爭如化鳥奮天衢
碧樹涼風日夜新刺船時近白鷗津飛塵不到滄洲曲長與青山作主賓
一葉扁舟百尺竿壁絲深映碧波寒此中亦有鷹揚佐莫作尋常釣叟者

萬卷詩書千古事一燈窓火十年心功名夢斷身無用閒補離
騷學楚吟

偶成

淵明覺是新愁少伯玉知非舊恨多畢竟是非皆一夢百年
夢醒事如何

暮春

芳事闌珊三月時春愁唯有落花知柳綿飄白東風老一樹
斜陽叫子規

書燈

書幌低垂風不來蘭膏花暖夜深開剔殘猶有餘光在一點
丹心未肯灰

海棠

臉暈輕紅酒力微真妃半醉夜深時杜鵑叫落花梢月獨倚東
風睡不知

春陰芍藥

點滴簷聲濕徑雲翻階紅藥帶啼痕可憐花片都零落雨露雖
多不是恩

芭蕉

翠葉離披傍竹林幾年雨露受恩深綠章封事今無用空對西
風抱赤心

黃芙蓉

媚色津_散、散_散朵芳道_家人粧束勝紅粧詩人若作姚花看便覺西
風不甚涼

聞角

誰送寒聲入夢中遙知人在戍樓東明朝梅嶺花飛雪未必都
回昨夜風

花柳

花半睡時分蝶夢柳三眠處足鶯聲誰知花柳無情物添_蝶個蝶
鶯便有情

酒家

風颭青帘出杏林行人未醉甕頭春安知滌器_節簷者不是相
如行輩人

贈醫者花道人

藜杖橫肩過竹扉半挑藥籠半挑詩笑予盤礴山雲裏泉石膏
盲作麼醫

晚春

老來無復事狂遊倚杖看花動客愁病骨却寒春不管柳棉風
裏木棉裘

漫述

百拙懶營生計事一貧方識丈夫心簞瓢陋巷皆真樂何用多

藏郿塢金

青春易過不多日
白晝得閒能幾人
有限光陰空役
堆錢難買百年身

對客莫談當世事
閉門且讀舊時書
蓬萊獻賦心猶在
只恐無人薦子虛

楚江何忍沈清客
周粟安能活餓夫
慨想前脩千古事
孤忠高義後來無

逢人休要說公卿
老去無心慕寵榮
李不封侯劉不第
千年青史亦傳名

世事艱難如意少
功名榮耀誤人多
浮雲富貴非吾願
且買扁舟理釣蓑

脫巾漉酒心先醉
著屐登山脚便輕
豪飲清遊憶陶謝
古人千載尚留名

眼前萬事等一夢
世上幾人能百年
千古英雄今已矣
北邙荒塚草芊芊

文盟無主江湖冷
詩社欠人風月閑
老去盍為歸隱計
却於何處買青山

烘柳日高花院暖
炷沈烟冷竹窓虛
開編怕見傷懷事
不讀離騷讀四書

一春

新綠園林雨過時黃鸝無語恨春歸楊花怕逐東風去搭住闌
干不肖飛
花心醉日蝶先覺柳眼窺春鶯未知景物繁華易凋謝一春消
得我番詩

江上

江上支筇眼界寬夕陽影裏水雲寒憑誰說與閑鷗鷺借我漁
磯把釣竿

送筆與各庵和尚

恨殺毛錐久不靈特分二輩到禪扃難書八萬四千偈只寫波
羅一卷經

梅菊

菊清獨占風霜國梅白偏宜雪月天晉宋後來愛花者豈無靖
節與逋仙

江景

寒生鴈背天將雪冷入魚腮水欲冰釣艇歸來江路暝舟人分
火點漁燈

聽雨

老來已覺此身閑近日唐詩亦懶看半榻白雲眠聽雨一窓簾
影隔春寒

暮春

東風庭院夕陽天，恨綠愁紅又一年。
春自要歸花自落，莫將芳事怨啼鶯。

柳老黃鸝遷別樹，花殘粉蝶繞空林。
道人不管春光去，看了紅芳有綠陰。

一鳥不啼春寂寂，百花都落雨濛濛。
十分花鳥東風恨，半在詩中半酒中。

題漂母飯信圖

國士無雙未宦臣，漢皇眼力欠精神。
築壇直待追亡後，不及溪邊一婦人。

一飯豈能忘漂母，英雄未遇有誰知。
可憐屏底丹青筆，不畫登壇拜將時。

詩窮

風愁月恨屬詩翁，終日推敲句未工。
何苦辛勤學郊島，嘔心博得一生窮。

雷潭為定講師賦

縛草為庵枕碧漪，蒲團長是坐禪時。
一聲霹靂驚龍起，布衲蒙頭捲不知。

雪居為安上人賦

雲壓西湖水欲冰，雪封樓閣玉稜層。
夜來門外深三尺，應有齊腰獨立僧。

傷春

園林芳事已闌珊，梅未生仁，筍未竿，堤上柳眠。綿風脫盡綠陰，應
在雨中寒。

雨過

雨過山頭雲氣濕，潮生渡口岼痕深。一聲短笛斜陽外，知有漁
舟泊柳陰。

即事

花露研朱，朝點易藥，爐分火畫。熱香道人不管世間事，自覺閑

中日月長

送客
旋沽却酒春深，九自汲山泉，月浸松清，夜客來同一醉，數相送過溪橋。

木芙蓉

芙蓉一帶遠池塘，萬綠叢中簇豔粧。錯認園林春富貴，不知葉
底有風霜。

論詩

三百餘篇豈苦思，箇中妙處少人知。籟鳴機動何容力，總涉推
敲不是詩。

書館即事

烟拖野色入書窓，一畝平田隔草塘。暮雨初收新水滿，藕花香
雜稻花香。

對菊

菊似靈均帶楚愁，餐英人去思悠悠。西風籬落甘清苦，不愛春

光只愛秋

夜景

一池清浸藕花月
午夜涼生菰葉風
月無邊詩興動
品題收拾錦囊中

秋池

西風吹露冷
銀塘菰葉蕭疎
柳葉黃秋水不知時
色老藕花猶學少年粧

餅花

餅花紅澹浸寒泉
容易彫零亦可憐
堪恨^嘆本根不知處
却將顏色為人妍

簡孫治中歸維揚

聞君騎鶴賦歸歟
漫寫詩篇問起居
后土祠前花在否
平山堂下柳何如

題墨竹畫扇

淇澳分清入素紈
一梢瀟灑勝千竿
此君不受人間暑
葉生風夏亦寒

新昌大石佛

倚天巖石費雕鐫
佛相分明在眼前
莫與嘉州爭大小
法身充滿本無邊

黃菊

歷葉秋色萬黃英多少金風染得成籬下年來無靖節寒香不似晉時清

螢火

化形腐草暗生光數點隨風過野塘窓下久無人夜讀此身不入照書囊

睡起

滿階竹影掃斜陽一枕秋風桂子香夢裏不知身是客覺來依舊在他鄉

寄秋山和尚

幾夜孤吟憶貫休疎鐘敲月動詩愁何人來入匡廬社分我山中一半秋

懷友

聽雨思君淚欲流蒼聲滴老髻邊秋何時過我晴窓下共話思君聽雨愁

昭瑞宮月夜

飛仙挾我上瑤壇古桂香中夜倚欄鐵笛一聲吹月落滿身風露不知寒

東山謝太傅祠薔薇亭

圍棋別墅却秦軍千載功名一窖塵今日江山非晉有荒祠花木為誰春

夢情為懶庵上人賦

柏子烟銷懶坐禪
白雲半榻伴高眠
分明記得莊周蝶
飛向梅花雪澗邊

田家

流水小橋江路景
疎籬矮屋野人家
田園空澗無桃李
一段春光屬菜花

春寒

客思重、山色外
詩愁點、雨聲中
著人料峭東風急
牆角桃花未肯紅

春寒料峭透窓紗
睡起晴峰恰報衙
怪得曉來風力勁
滿階香雪落梨花

池荷

紅藕花多映碧欄
秋風逸起易彫殘
池塘一段榮枯事
都被沙鷗冷眼看

聽琴

一曲漪蘭按玉徽
高山流水少人知
終、耳聽非心聽
安得人間有子期

蓬山堂訪王鶴隱高士不值

蓬萊深處訪仙家
雲護岩扉石徑斜
笙鶴未歸春寂寂
青鸞啄碎碧桃花

過曹娥廟

細雨兩山眉黛斂，怒濤千古哭聲寒。
湏知此廟關風教，莫作尋常神女看。

禹廟行春

大禹祠前柳色新，駢闐車馬闕行春。
登臨都道江山好，話到平成能幾人。

子晉廟

伍相祠前雲氣昏，奔吳心事與誰論。
怒濤夜半翻江月，疑是忠臣一片兔。

西湖行春

畫船無復沸笙歌，湖水年年自碧波。
回首蘇公堤上柳，綠陰不是舊時多。

明妃

和我何惜遣娥眉，悔悟徒然殺畫師。
漢主深恩如可報，安身死虜亦無辭。

昭君塚

一函香骨埋沙漠，魂魄多應繞漢庭。
惟有春風知此恨，年年吹拂草痕青。

煬帝行宮

彩鳳樓前汴水流，君王不復錦帆遊。
長堤舊日青，柳曾帶春風拂御舟。

明皇按樂圖

一曲霓裳舞太真誰知鼙鼓動胡塵當時若按周姬樂治世音
中無亂人

采蓮女

越女蘭舟泛綠漪采蓮花露濕紅衣萬荷影裏歌聲過驚起鴛
鴦貼水飛

通玄觀

雲氣深、護石壇紅塵飛不到闌干清陰滿地無人跡一徑松
風鶴夢寒

林高士隱居

家住西湖深更深古松陰裏禮茅君白猿攀樹藤花落點破巖
前一地雲

吟邊

落盡荼蘼燕未歸小園寂、掩柴扉吟邊正苦無詩料風遶楊
花撲客衣

道士夜醮

步虛聲裏碧雲飛珮玉珊珊、謁紫微月浸剛風鸞鶴過仙都道
士拜章歸

題梅花詩卷後

月香水影句清奇新除却逋仙更有誰吟骨春風吹不落此翁已

後絕無詩

贈王琴所 能詩能琴

一曲絲桐餘古意
百篇風月寄閑情
君詩即是琴中搯
底用離
寫別鶴聲

謝聰講師惠桂花

廣寒世界仙家種
金粟如來佛國花
多謝高人分惠我
一枝和
月到山家

客懷

年，春暮客天涯
愁見東風颺柳花
自嘆身如梁上燕
營巢長
傷別人家

春寒夜

銀燭燒殘聽漏聲
春寒詩思覺淒清
一庭夜色無人管
分付梨
花伴月明

枕邊瓶桂

巖桂花開風露天
一枝新向枕屏邊
清香重透詩人骨
半榻眠
秋夢亦仙

問菊

山園獨立對秋光
一袖西風兩履霜
笑倚東籬問寒菊
自淵明
後幾番香

唐竹卿道士相過

一徑秋風老碧苔
柴扉掩畫少曾開
詩書門戶無人到
只有通玄道士來

半軒疎雨

簷前數點弄晴光
浥露庭花枕蕈香
池草夢回詩思杳
吟窓分得一邊涼

蝶

隨風粉翅太輕狂
夜宿花房春夢香
栩栩不知身是夢
又將兔夢化蒙莊

見鴈有懷

滿眼西風憶故廬
親用音問久相疎
年々江上無情鴈
只帶秋來不帶書

聽講師涅槃臺

莫將生死視如來
要看蓮花火裏開
勘到灰飛烟滅處
涅槃不是涅槃臺

贈談命姚月壺

胸中消息千年曆
舌底窮通一世人
試把五行推測看
廣文官冷幾時春

中秋對月

十分蟾影照人間
一片山河古影寒
惆悵年々今夜月
人生能得幾回看

秋意

梧葉翻風敲老樹
蛩聲帶月泣寒莎
只消些少閒風月
便覺客窓秋意多

對菊

春花能得幾時紅
萬樹繁華轉眼空
黃菊雖黃偏耐久
西風雅澹似東風

玉繡球花

花神巧學傅官樣
不屬針工屬化工
疑是瓊瑤初琢就
一團香雪滾春風

即事

春晴無處不繁華
多少遊人逐鈿車
盡道東風花柳好
誰知生意在桑麻

九日感懷

新橙初試蟹螯肥
一曲清歌酒一卮
料得故園秋正好
黃花應怪客歸遲

黃蜀葵畫卷

蜀質何人為寫生
金杯翠袖捧朝陽
花前露重宮闈濕
猶帶南薰殿裏香

春夢

銅匱艾納翠氤氳
六、屏山酒半醺
夢入中州看秦畫
春風吹

亂玉梨雲

題明皇按樂圖

五鳳樓前沸管絃
春宵花暖月娟娟
纖腰舞到霓裳曲
驚起猶龍地上眠

明皇楊妃圖

君王擁袖倚嬌容
指法相同曲亦同
料想馬嵬千古恨
當年已寓笛聲中

暮景

浮雲開合晚風輕
白鳥飛邊落照明
一曲彩虹橫界斷
南山雷雨北山晴

和靖墓

木落孤山墓草荒
梅花千古帶詩香
吟魂仙去誰招得
獨鶴一聲幽恨長

宮詞

聞說君王御宴回
宮人留鑰內門開
琵琶撥盡黃昏月
不見花間鳳輦來

臨平泊舟

客舟繫纜柳陰傍
湖影侵篷夜氣涼
萬頃波光搖月碎
一天風露藕花香

錢府舊園

十二峰前富貴家，亂離不復舊繁華。
亭臺寂寂無人到，流水東風自落花。

春雨詞

簷聲滴碎玉闌干，開盡梨花亦懶看。
燕子不歸人寂寞，深宮殿鎖春寒。

山中

萬壑松聲撼翠微，夜寒風露濕人衣。
山翁踏月巡幽徑，竹裏籠開鶴未歸。

客路

春風客路草萋萋，山小駐征鞍日又西。
回首前山雲樹暗，竹雞聲裏鷓鴣啼。

金陵懷古

六宮禾黍千年恨，一片江山萬古情。
明月不關興廢事，夜深還照石頭城。

照石頭城

仙姑對奕圖

明皇時道者一曲霓裳月滿樓，龍燈照夜遊。妙眉似識宮中樂，那滿娥眉山下愁。

碧玉花冠素錦裳，對拈棋子費思量。
經年不下神仙著，想是蓬萊日月長。

山村

山村

小小荆扉傍水開，竹橋分路入蒼苔。
呼童掃去階前葉，怕有詩人踏月來。

虎丘阻雨

石闌浸碧劍池空
池外秋聲萬壑風
人倚僧窓看風雨
亭塔影有無中

山中秋夜

石床彈月鶴聽琴
玉宇凝秋絕點塵
萬里無雲銀漢澹
一天風露濕星辰

寄別方蘭室

醉下山樓客袂分
杖藜猶帶碧闌雲
歸來帟帳眠清夜
半夢梅花半夢君

水仙花

冰魂月魄水精神
翠袂凌波濕楚雲
雪後清閑誰是侶
汨羅江上伴湘君

春閨

屏山夢斷整雲鬟
金鴨吹香火未殘
背倚闌干聽燕語
一簾風雨捲春寒

種菊

種菊叢、遠水涯深紅淺紫
暝山家平生不識春風面
籬落秋

深各自花

贈慧西上人蓮經社
祖師來意契空庭誰識當年柏樹青
試遠禪床行一匝方知大藏本無經
孔明高卧圖

未用胷中八陣兵
草廬高卧掩柴扃
當時不見劉玄德
誰識先

生是將星

蓮花亭避暑

日火燒空海欲乾
蓮宮深處畫生寒
佛家一片清涼景
借雨詩人畫日看

贈易教周仁山

河洛圖書排帙上
乾坤爻象只胸中
煩君細算乘除數
吾道何時可變通

龍江無杜鵑

客裏春殘又一年
落花滿地草連天
緣何不動歸歎興
祇為龍江無杜鵑

道觀即事

月到松庭鶴未眠
玄都羽士誦靈篇
玉爐烟斷瑤壇冷
金磬一聲霜滿天

暮春

園林芳事已闌珊
開盡荼蘼亦懶看
深院日長眠聽雨
重簾影隔春寒

傷春

東皇別我太匆匆
急景相催鬢已翁
杜宇一聲花結局
人生消得幾春風

即景

籬落西風野老家
閑看景物感年華
柳衰荷敗芙蓉死
交割秋光與菊花

贈上人

懶聽人是與人非
有耳如聾未是癡
不采當時臨濟唱
威王前事已先知

雲中海棠
蜀妃睡起
玉鳳扇
促晚粧
宴罷
珠璣
未醒
脂臉
上粉
痕香

墨蘭

一幅幽花倚客窓
離騷讀罷意淒涼
筆頭喚醒靈均夢
猶憶當時楚晚香

寄任子忠

雲南天字日東
翻卷三山
雞叫月殘
摩女醉眠
方失旦輪
君眼醒此中音
老去懷人鬢已秋
江上猶帶別時愁
碧雲不隔相思夢
幾度吟魂到客愁

和李藍溪梅花韻

孤山別後有誰憐
踏雪看花又一年
幾度相思空夜月
角聲吹恨不成眠

覓句逋仙琢肺肝
聲名千古冠吟壇
一詩香盡西湖水
白雪陽春和者難

一枝寒玉倚橫塘
和雪攀來袖亦香
揅向膽瓶籠帟帳
長教夢遶月昏黃

南枝開徧北枝開
粒恐飛香落砌苔
踏雪詩人應癖好
杖藜日
日為詩來

折柳

陽關一曲灞橋春垂綠陰中別恨新漫折青絲千萬縷多應絆不住行人

畫筍

錦箨斑斑帶露痕毫端寫出此君孫清高不肯埋塵土根本雖無有節存

秋吟

蘆花零落點汀洲白鷺飛邊泊小舟水落漁磯風露曉殘荷數點冷擎秋

曉徑支筇步屣遲西風吹露濕秋衣舉頭凝望青山外萬里江天一鴈飛

秋高風急鴈來初久客松江豈為鱸好夢不成人睡覺半窓殘月夜燈孤

淪落天涯已白頭西風吹帽冷颼颼悲秋未了悲身世一樣情懷兩樣愁

畧竹當門石徑斜槿籬深護野人家炊煙起處江邨晚一片斜陽萬點鴉

滿眼秋光動客情小園閑步杖藜輕黃花憔悴應思晉絕遇淵明香便清

王荊公廟

遺像歸然占古祠區：土偶亦冠縷無言似想青苗策面目猶
如執拗時

項羽臺

失計鴻門恨未消一生霸業亦徒勞當時謾築臺千尺爭似歌
風地步高

柳

腰舞東風未肯休西風吹葉翠眉愁誰知此是多情樹寔愛春
光最怕秋

梁燕

梁間兩處燕成窠來往銜泥帶落花昵：並頭休巧語相依捻
在別人家

梅花

竹邊籬外樹封苔兩蕊三花帶雪開蜂蝶只貪桃杏豔嫌花冷
澹不飛來

酒家

風颭青帘掛杏村田家新釀甕頭春今年米貴無錢糶買醉銜
杯能幾人

江村

極目江天一望餘寒烟漠：日西斜十分秋色老無人管半屬蘆
花半蓼花

西山韓太師墳

古墓年深草樹荒
石人石馬卧斜陽
爭如湖上逋仙塚
詩骨埋雲萬古香

床屏墨竹

淇澳新梢筆下分
枕屏墨暈點寒雲
詩人帝帳眠清夜
不夢梅花夢此君

和靖墓

西湖卜隱為詩忙
吟到梅花字字香
鶴不歸來山窈窕
梅邊閑

詠月黃昏

布衣不肯換朝衣
真隱真清我獨知
雅淡高風人不說
只誇水影月香詩
迷懷

故鄉迢遞幾時還
目斷長江杳渺間
一鴈飛邊天萬里
白雲多

處是青山

牡丹亭上君王醉
妾依長門恨月斜
春色承恩露雨露
此身不及御園花
寓舍古木無葉

桃李門墻萬柳青
詩人茆屋獨淒清
簷前古木無春葉
可怪東風亦世情

秋信

豈雨初晴浣溽埃
報涼梧葉墮塔苔
一聲新鴈南樓外
早送西風信息來

秋色

虹影界開微慘澹
鴈痕點破更淒清
一望_香雨過天容碧
盡是西

風染得成

秋聲

庭外梧桐葉，風樓頭過鴈砌邊蛩隔窗砧杵敲殘月喚起鄉
愁歸興濃

秋陰

漠、寒烟暗蓼汀江涵鴈影不分明一天暝色迷清晝雲閣西
風雨未成

秋霽

雨過郊墟涼意新凝雲散畫十分晴隔江一抹斜陽影恁向蓼
花紅處明

秋意

庭前梧葉雨晴後江上荻花風起時涼透書窗人未覺葛衣竹
簟已先知

夜色凝涼露凝衣乳坤清氣入詩脾空階踏碎梧桐月正是山翁得句時
閨情效香奩體

金鴨烟銷一字香滿懷春恨強梳粧看花又怕東風惡偷隔紗
窓看海棠

淚浣香腮粉未乾相思成病怯春寒此情欲向琵琶訴整得琵琶
又倦彈

黛眉愁裏歛雙蛾別久無書爭奈何欲待怨他還又憶怨時較
少憶時多

懶向粧臺對鏡驚羅衣怯薄正春寒黃金絡索珊瑚墜獨立春風看牡丹

江村即事

江村暝色漸淒迷數點殘鴉雜鴈飛鴈宿蘆花鴉宿樹各分一半夕陽歸

春日

紫燕評春語畫梁黃鸝梳曉鬢垂楊博山烟冷書窓靜風颭旖旎花點硯香

舟次九山

水雲畫處列奇峰螺髻參差杳靄中江岫維舟看不了煙嵐分碧入踈篷

讀秦紀

弁吞六國獨稱雄經籍灰飛烈焰中書外有書焚不盡一編地上漢成功

脩竹館舍

乳燕銜泥春晝長枕書無夢到高唐桃花紅雨梨花雪相逐東風過粉塘

夏日陪王君玉汎舟鑑湖

波光萬頃接天光畫舫歸來載夕陽一棹湖心天不暑萬荷風裏滿身香

秋夜登西樓

清逼金英玉露溥
姮娥深夜不禁寒
桂花香裏人敲句
倚遍高樓十二闌

雜詠

柳嫌暮雨鶯聲澁
花怯東風蝶夢寒
偶憶故園春色好
他鄉花柳帶愁看

人非陶令空看菊
詩不林逋漫詠梅
晉宋後來愛花者
輸他高

此第三節與高才

旋刪庭竹通容月頭換瓶花接續春獨坐山房誰是侶長笛宦伴詩人為農且看歸田錄學圃閑抄種樹書莫道山人無活計一簑烟雨帶鉤

天外斜陽猶在樹
林間宿鳥已歸巢
黃昏莫把柴門掩
恐有詩人帶月敲

釋柳已回春暖意
殘梅猶結歲寒心
百年身世詩中老
好景難消幾度吟

新綠園林微雨後
落紅庭院夕陽時
一聲杜宇催春去
貪睡棠妃未必知

持螯已飽團臍蟹
砵膾猶思巨口鱸
風物秋來多感慨
天寒酒醒客心孤

囊底詩成無賣處
牀頭金盡已多時
元龍豪氣依然在
慣守清貧豈足悲

人無氣節何足道
腹有詩書自不同
實學真才誰具眼
江湖難遇杜司空

地多種竹堪容鶴池不栽蓮恐礙魚小徑荒苔人不到閉門閒
學換鸞書

竹林夏日

不受炎光玉萬竿仙林便作晉林看與君長帶水霜氣醉卧綠

陰詩夢寒

滴翠松

寄王云卿
不寄書來又一秋西風吹夢過瓜洲海雲隔斷長淮路日：園中倚暮愁
贈友
歲晚囊琴出故都侯門何處曳長裾得錢莫要浪沽酒沽買青山好讀書

老翠蟠空一樣高月分寒影落庭臯哦詩猛把闌干拍宿鶴驚

飛露濕袍

夜窓

香篆烟銷夜已闌硯池水結澗聲寒梅花影懸書窓上應待詩
人帶月看

寄郭邱齋

相思何日得相逢料想君心與我同莫恠近來書寄少鴈飛不
肯下秋空

七言律詩

枕易越中詩社試題都魁

古鼎烟銷倦點朱脩然高卧夜寒初四簷寂々半床夢兩鬢
蕭々一卷書日月冥心知代謝陰陽回首驗盈虛起來萬象
皆吾有收拾乾坤在草廬

考官李侍郎應祈批詩題莫難於枕易自非作家大手筆詎

二百在竹
林夏日後

孤舟獨釣
青山隱：暮烟微殺點輕鳧傍水飛羨殺漁人無一事倚篷坐釣綠苔磯

NATIONAL CENTRAL LIBRARY, TAIWAN, R.O.C.

能模寫蓋以其不涉風雲雨露江山花鳥此其所以為難也予
閱三十餘卷鮮有全篇純粹正如披沙揀金使人悶：忽見此
作若紛：盆盎中得古壘洗把玩不忍釋手此詩起句倦字
便合睡意額聯氣象優游殊不費力曲盡枕易之妙頤聯
冥心回首四字極其精到結句如萬馬橫奔勢不可遏且
有力量全篇體製合法度音調諧宮商三復降歎此必騷壇
老手望見旗鼓已知其為大將也冠冕衆作誰曰不然

棋聲

何處仙翁愛手談時聞剝啄竹林間一枰子玉敲雲碎幾度午
窓驚夢殘緩著應知心路遠急圍不放耳根閒爛柯人去收殘
局寂：空亭石几寒

題李藍溪梅花吟卷

孤芳不與衆芳同肯媚東君事冶容寒苦一生蘇武雪清高
千古伯夷風瓊瑤照樹偏宜晚鐵石盤根却耐冬幾度看花立
霜晚斷腸都在角聲中

秋夜

博山香冷夜將闌紅影搖窓燭未殘庭樹露濃花氣濕井梧
風老葉聲乾世情冷煖知心少用舊東西會面難一段客愁吟
不就無言背月倚闌干

秋夜和月山韻 任月山主人也

涼夜殘燈照客愁，衾單添盡鶴鵝裘。
半窓明月三更夢，一枕西風兩鬢秋。
吟骨稜，寬帶眼歸心切，望刀頭。
何時東籬家山去，獨駕柴車訪伯休。

述懷

此在秋夜和月山韻

蘭亭會飲觀晉帖

人間何處不風波，閱歷艱難髮已皤。功名蝸左角，悠身世蟻南柯。天荒地老英雄盡，林密山深隱逸多。愁向吟邊推不去，騷然一曲付狂歌。

稔說清談晉業虛，禊亭之樂後來無。
一時人物已陳迹，千古山林空畫圖。
鐘帶夕陽來遠寺，碑和春雨卧平蕪。
昭陵玉匣猶難保，筆意從誰認鼠鬚。

春游次王脩竹監簿韻

天色新晴帶薄寒，主人飲客出城關。
蘭亭觴詠尋義帖，定石衣冠弔禹山。
春水斷橋芳草碧，曉風啼鳥落花閑。
囊中詩句壺中酒，何必仙人大小還。

脩竹宴客東園

二月韶光潑眼濃，携樽宴客小亭東。
酒當半醉半醒處，春在輕寒輕暖中。
拂檻柳添吟髻綠，壓闌花妬舞衣紅。
晚來聽唱梁州曲，聲繞吳姬扇底風。

書懷

剛腸不撓是男兒，舌在囊中豈足悲。
落世情難苟合，徨客路欲何之。
舊時風月堪遺恨，好處江山尚欠詩。
莫把閑愁縈素抱，人生雙鬢易成絲。

送張伯威提舉

人生聚散等浮漚憶昔過從與勝遊棋局敲殘清夜月菊花
吟老半窓秋客中送客難為別山外看山慙是愁回首片帆江
路遠踈烟斜雨到西州

春日即事

園林芳事漸闌珊客思無聊午夢殘紅杏花繁蜂蜜飽碧芹
香老燕泥乾光陰有限髻已白勲業無成心尚丹倚遍吟闌天欲
暮一簾風雨捲春寒

小酌

小酌園林酒半醺落紅影裏惜餘春插花歸去蜂隨帽傍柳
行來鶯避人白髮尚為千里客黃金難鑄百年身何時歸賦
滄浪水浣我征衣萬斛塵

城南即事

支筇破曉出南城古寺淒迷草自生幾處亭臺空鎖鑰百年人
物盡丘塋雕梁語燕應無主廢圃殘花似有情世事轉頭皆夢
境浮生何用苦營營

夜坐次林梅山韻

人倚幽窓夜未闌竹爐灰冷篆烟殘一天露氣星辰濕萬壑
風聲草木寒老去客懷多感慨年來世事轉艱難何時歸孤隱
山下明月梅花約共看

有感

自嘆文章不遇時，平生壯志與心違。
十年湖海無家住，千里鄉關有夢歸。
殘夜月寒燈暈澹，高秋天濶鴈聲微。
傷今思古愁無奈，老淚斑斑濕客衣。

即事

蠅頭蝸角兩無營，心地寬閒景亦清。
山色淺深分遠近，雲容舒卷弄陰晴。
曉窓對菊思元亮，秋佩纫蘭效屈平。
獨倚西風凝望眼，一行鴈影夕陽明。

生朝自述

都道人生七十稀，老逢初度嘆衰遲。
飛觴醉月貧無酒，走筆吟春富有詩。
憔悴自憐蒲柳質，悲勞空起蓼莪思。
門無賀客清如水，獨對蘭花誦楚辭。

雪

片、隨風整復斜，飄來老鬢覺添華。
江山不夜月千里，天地無私玉萬家。
遠岸未春飛柳絮，前邨破曉壓梅花。
羊羔金帳應粗俗，自掬冰泉煮石茶。

九日客懷

烏帽斜欹白髮侵，老來空憶舊登臨。
一枝黃菊西風淚，數畝蒼苔故園心。
梧顛秋聲庭露冷，鴈傳寒信塞雲深。
不須^苦酒酬佳節，只把陶詩細^憶吟。

舟次樽蒲廟

短棹衝寒過浦東，扁舟一葉載詩翁。
斷烟流水殘雲外，古木荒祠夕照中。
吟罷小樓何處笛，酒醒孤枕半江風。
潮生潮落朝還暮，堪歎人生自轉蓬。

月夜登樓

玉宇澄清暮靄收，吟邊怕倚仲宣樓。
寒蟾千里夜如晝，新鴈一聲天欲秋。
湖海誰青豪傑眼，風霜易白少年頭。
更殘忽聽荒城角，吹老梅花總是愁。

送慈州茅主簿入道

儒冠不戴，星冠人世榮華作夢看。
譜出三茅終得道，趣同五柳早休官。
月寒猿嶺來笙鶴，春藹慈州憶枳鷺。
笑指方壺竈深處，凌空霞珮玉珊珊。

月夜次脩竹韻

徙倚吟闌傍野塘，古譙蓮漏滴更長。
月階夜靜蛩聲切，竹院秋深鶴夢涼。
坐挹水風侵袂冷，眠分花露滿身香。
浩歌欲遯明河去，醉喚天孫織錦囊。

寓浦東書懷

子規聲裏已非春，消遣光陰只苦吟。
肘後無方醫白髮，牀頭有易膠黃金。
年來不作功名夢，老去全灰富貴心。
獨抱焦桐遊海角，紛々俗耳少知音。

呈營田司杜希聖提領

行李擔書一鶴隨，蓮香懽幕政聲馳。
山川太史九州記，桑稼幽風七月詩。
如晦箕裘傳相種，少陵衣鉢付孫枝。
謀身儒術誰云拙，堯舜君民正此詩。

寄毛素軒宣尉

旌麾曾駐鑑湖邊，別去匆_々又兩年。
清夜夢分千里月，同鄉人各一方天。
素知心事有鷗在，欲寄音書無雁傳。
見說使星臨浙右，明朝便買渡江船。

酒趣

濁醪妙理契心期，小甕新篘香滿卮。
閒裏一生長是醉，飲中三昧有誰知。
幕天席地忘形處，枕麴眠糟得意時。
此味靈均應未解，獨醒到死欲何為。

秋懷

雨裏西風已倦遊，老懷悲感不禁秋。
世無阮籍誰青眼，今有杜陵人白頭。
鴈擺行知兄弟義，燕營巢為子孫謀。
誰憐湖海飄蓬客，隻影孤燈相對愁。

偶書

頻年踪跡墮江湖，三徑荒苔憶舊廬。
身老方知生計拙，家貧漸覺故人疎。
松薪拾去朝炊忝，漁火分來夜讀書。
怨鶴驚猿應待我，台山何日賦歸歟。

觀史

梧風蕭瑟雨初晴涼入書堂夜氣清耿々蘭膏照千古遲々蓮
漏轉三更力於興廢應難助氣為忠邪幾不平掩卷長嗟方就
枕窓前呶啞又鷄鳴

暮春

寂寞園林三月時客中幾度見春歸柳眉綠皺鶯無語花臉紅
銷蝶倦飛節物暗催雙鬢老功名長與寸心違百年身世成何
事回首西山又落暉

對月

萬里無雲天宇寬十分秋色上樓看月浮滄海蟾光濕星落明
河象緯寒醉後儘教詩筆健吟邊莫放酒杯乾一聲長笛知何
處愁殺夜深人倚闌

秋夜

十分秋色滿軒窓景物淒清夜氣涼節月簾櫳金瑣碎搗霜砧
杵玉丁璫井梧葉脫無多影巖桂花稠不斷香坐到更深吟興
動硯池滴露寫詩狂

寓舍即事

矮屋編茆椳縛籬詩人住處恰相宜萬間突兀夢不到一室淒
清心自知窓下無燈童睡早林間有月鶴歸遲八荒便作庭除
看南北東西任所之

書懷奉簡蘭若提舉

十年湖海歎飄零，晚景投閒百念輕。
看水看山真有味，學書學劍恨無成。
竹風吟曉詩情動，梧雨敲秋客夢驚。
老傷人門非久計，不如歸去學淵明。

登寶林飛來峰

有井通海在塔下龜公墓越王臺在側

乘風飛步碧崔嵬，萬壑千巖入眼來。
古甃直穿滄海破，浮圖高拂白雲開。
龜公埋沒今無塚，烏喙登臨舊有臺。
立盡斜陽不歸去，一聲孤鴈過蓬萊。

題吳實齋北山別業

北山佳景勝南山，乘興登臨眼界寬。
樵斧伐雲春谷暗，漁榔敲月夜溪寒。
一區池占林泉勝，四面天開圖畫看。
竹屋數間塵不到，主人日、凭闌干。

書館

池館深、鎖翠涼，課餘多暇日偏長。
屋連湖水琴書潤，窓近花陰筆硯香。
吾道尚存貧亦樂，客身長健老何妨。
十年心事閒搔首，厭聽蟬聲送夕陽。

依綠亭

數椽蕭灑瞰清漪，蕩漾烟霏欲濕衣。
闌角寒光搖翡翠，簷牙倒影浸琉璃。
荷邊鼓瑟遊魚聽，柳外敲碁睡鷺飛。
洗盡紅塵青眼客，臨流何惜賦新詩。

秋思

天容凝碧換秋容
殘暑冷然一洗空
梧葉多應愁夜雨
葛衣漸覺怯西風
十分冷澹砧聲外
一片淒涼鴈影中
興動尊鱸欲歸去
季鷹心事恰相同

題四暢圖

四暢圖中四散人
藤牀對坐遣閒情
搔頭真有爬梳態
搖鼻應無噴嚏聲
捫蝨未能談世事
撚鬚元不為科名
一時快意皆真樂
誰把丹青寫得成

登寶林塔

屹立浮圖可摘星
吟邊喜與客同登
闌干六曲又六曲
梯級一層高一層
極目江山無障礙
著身霄漢欲飛騰
鴈來疑是題名處
拂拭殘碑問寺僧

偶述

漂泊江湖粗自憐
人生窮達信關天
老難干祿心灰矣
貧不求人氣浩然五斗豈能留
靖節一瓢亦足樂
顏淵客來問我生涯事
閉戶開書對聖賢

涼夜即事

涼入虛堂睡思濃
夜深剪盡燭花紅
光搖珠箔梧桐月
香透紗厨茉莉風
歌枕覺來人不寐
撚鬚吟罷句難工
小蠻問我詩成未
詩在池塘草夢中

次月山少監客京韻

匹馬挽春入帝京秋深猶未問歸程一書不及日風寄千里空
教共月明霄漢已隨黃鵠舉家山應負白鷗盟便湏了却封
侯事衣錦歸來客亦榮

聞角

譙角吽鳴到枕邊：情似向曲中傳梅花三弄月將晚榆塞一
聲霜滿天織錦佳人應有恨枕戈老將想無眠爭如二月春風
市賣酒樓頭聽管絃

舟行送王琴所之澉川

晨星寥落曙光浮柳岸風輕送客舟萬點遠山重疊恨一江流水
淺深愁澹烟茅店家：曉白露楓林處：秋獨倚蓬窓還自笑
此身漂泊愧沙鷗

寄峽山胡府判

鑑湖狂客又西湖筆硯生涯計已迂五斗自慚腰不折四方安
得口能餬家山迢遞鄉心遠燈火淒涼客影孤莫誤風前看落
鴈尺書還宥寄來無

送姜任可去館

行止非人可預謀愛君無計為君留張儀失策猶存舌穆傳知
機可掉頭黯：別懷江路晚蕭：行李驛亭秋明年我亦携書
去不落人間第二儔

梅龍

孤根蟠屈浸冰壺，蟄裏陽和發朽枯。
雪樹鱗封寒水玉，月梢頷吐夜明珠。
暗香吹冷龍涎濕，踈影涵清蛻骨癯。
安得華光葉公筆，共描雲水卧雲圖。

江湖偉觀

環峙山川秀氣鍾，人烟樓閣鬱重。
潮生潮落東西浙，雲去雲來南北峰。
海曙扶桑紅影濕，堤春楊柳綠陰濃。
子胥已遠岳侯死，斗柄聊洗磊塊胸。

隨隱為祝南山賦

踪跡何拘似白雲，不專丘壑避紅塵。
田堪耕稼即莘野，水可釣魚皆渭濱。
無礙滯心寧擇地，有幽閒處便容身。
一節忽入青山去，豈是終南捷徑人。

春日郊居

卜築幽居慰寂寥，數椽茆屋傍江郊。
庭前藤薜筍爭長，籬下陳雷蔓結交。
杏圍花香蜂課蜜，芹塘泥暖燕營巢。
山窓對景渾無事，吟得詩成手自抄。

偶書呈王脩竹

琴心不復寄松蘿，賀鑑湖邊水自波。
晚節黃花秋思澹，夕陽紅樹客愁多。
何時歸鶴招丁令，有意逃漁侶志和。
不管白頭烏帽落，西風一曲付狂歌。

寄鄭樞山

起敬英聲亦有年，酒邊曾見錦囊篇。
吟情六義初刪後，古意三文未畫前。
放曠嗣宗應絕俗，清狂太白不妨仙。
姪今海內無工部，誰肯題詩寄鄭虔。

燈花

發生元不做栽培，一點春從午夜回。
自喜結根依小草，不愁飛片點蒼苔。
有豔蟻頻撲澹，無香蝶不猜。
窓下敲棋紅燼落，更深約客不曾來。

樂道

門掩荒苔客到稀，閒情已與世相違。
胸中宇宙自然景，眼底江山不盡詩。
雲澹風輕皆道體，鳶飛魚躍挹天機。
吾心與物同真樂，此處寧容信子知。

次毛一齋韻

詩夢驚殘何處棋，書窓又是夕陽時。
柳陰分綠籠琴几，花片飛紅點硯池。
覽鏡自憐添白髮，傳杯不復倩蛾眉。
東風故國年，恨惟有啼春杜宇知。

寄月山少監

一片襟懷海樣寬，睂頭肯為別離攢。
辭行路難角帶邊聲，閱月冷鴈傳鄉信。
塞雲寒，歸來未許東山卧，見說蒼生望謝安。

送文正公遺像與王東廬

古畫來從寶繪堂遺君敢借舊珍藏
貌存故國三公貴澤衍來孫百世芳
家廟幾年成闕典宗枝此日倍增光
當時種德根苗遠分得槐陰到鶴鄉

遊西湖次毛玉田韻

觸目錢唐昨夢非行春載酒憶當時
花間不輟香輪入柳外空鞭駿馬飛
落日荒山和靖墓斷雲流水子胥祠
忘情鷗鷺閒於我應笑江湖客未歸

故國有懷呈任子宏提舉

十年不作還家夢荒草深鎖竹扉無主
落花隨水去有情啼鳥勸人歸
儒冠寥落風流減客路淒涼故舊稀
何日携琴賦歸去踏雲自採故山薇

寒夜即事

倚徧闌干更漏長柔髭撚斷為詩忙
清分梅影夜宜月寒入鴈聲天正霜
懷古頓添孤客恨追憶難學少年狂
讀書窓下篝燈坐一卷離騷一篆香

謝章平遠惠筆

管城二子樣尖新分惠山房勝餽金
淮免拔毛誇匠巧魯魚正字見功深
抄書未得纖毫力握管難忘一寸心
揮翰玉堂無夢到雅宜茆屋寫清吟

龍江館舍

幽棲俗事不相關家在青松翠竹間
遠屋四圍都是水隔林一片不多山
詩篇陶寫清秋景書冊消磨白日閒
門外沙鷗如舊識忘機飛去又飛還

元日

睡眼朦朧撐不開鷄聲唱曉夢驚回
竹爐尚有殘冬火柏酒初斟新歲杯
身世百年如夢多功名兩字已心灰
門無賀客清閒甚自汲寒泉浸古梅

偶題

一春過半近清明點滴簷聲未肯晴
細柳雨中垂綠重殘花風裏落紅輕
世間白髮存公道眼底青山不世情
富貴倘來忙不暇得人生何必苦營營

俞景仁教諭相過

江雲舒卷弄陰晴新綠園林似染成
花怯曉風寒蝶夢柳愁春雨濕鶯聲
栖遲茅屋無塵事深閉柴門遠俗情
佳客相過慰岑寂酒邊閒把舊詩評

脩竹有樓名與造物游對秦望山五雲門

秦望諸山隱几看仙居縹緲五雲端
天高地迥三千界月白風清十二闌
滄海氣侵珠珮濕明河影逼玉簫寒
超然身在鴻濛上何必蓬萊跨紫鸞

脩竹宴客廣寒遊亭分韻得香字

銀橋疑駕海天長
金粟離宮照玉觴
影浸山河瓊殿冷
舞分風露羽衣香
亦知廣莫元無野
却笑溫柔別有鄉
閒折一枝驚昨夢
素娥憐我授玄霜

酒邊呈張景純

能畫山水

蓬萊閣上笑談餘
別後思君看畫圖
萍水相逢俱老矣
家山自好盍歸乎
清風一榻莊周蝶
明月扁舟范蠡湖
此是達人真樂事
客中何必歎窮途

江上客懷

鏡裏從渠白髮添
吟邊握掌沒掀髯
十年為客甘清苦
一枕忘情付黑甜
短褐怯風綿未絮
破窓漏月帟重粘
梅花應念人孤寂
寒夜吹香入竹簾

夜坐

香篆烟銷夜氣清
篝燈開卷遣閒情
半窓月落梅無影
三徑風來竹有聲
樂道何須圖富貴
讀書元不為功名
白雲滿榻便高卧
欹枕詩成夢不成

挽衛山齋

楹夢驚殘忽告終
儒林多士失宗工
雲間便覺無清氣
江上誰能繼古風
蕙帳夜闌孤鶴怨
節齋人去九山空
我來豈為私情哭
痛哭君亡吾道窮

武公後裔有仍孫
德望才名世所尊
擬向山中專註易
忽傳地

下趣修文月樓不復賡詩句春閨猶思共酒樽痛恨死生千古
隔西風吹淚濕秋雲

送任子敏司丞赴北

鞭影拖雲入帝京少年正好作功名不辭驛騎三千里欲奮鵬
搏九萬程白玉堂中揮翰墨黃金臺上被恩榮何須折柳送行
色只寫詩篇話別情

和俞教授見寄韻

天邊日月似梭飛百歲光陰難預期有酒不妨留野客無錢何
惜典春衣江山猶記登臨處身世都非少壯時晚景清閒宜學
道黃庭一卷究玄微

任復齋池中有瑞蓮命予賦之

芙蓉開處傍池亭花結雙頭媚晚晴兩隗駢肩如欲語二高並
首似含情同心淨植真奇種聯蒂騰芳以瑞名若使瀟溪當日
見愛蓮有說恐難評

鹽

同締入貢載遺經分賜羣臣羨水晶潤下作醎從海產熬波出
素似天成享神潔白惟形似富貴珍奇以寶名此物可方為相
事他時商鼎用調羹

餅筍

熱中竟日自煎烹音調都從一氣生緩、煮湯方蟹眼微、聒

耳忽蠅聲頻驚清夢愁無寐似訴羈情歎不平却笑書生那解
此聯詩石鼎羨彌明

書懷

杜門已與俗相違苔徑荒涼輒迹稀自愛清涼^高忘世慮肯求富
貴役心機隱居盤谷膠金谷耐着麻衣鄙錦衣百歲光陰皆夢
境且看免走與鳥飛

和杜柳溪韻

安貧樂道豈卑微官羨黃金帶十圍爵列三公今却有齒踰七
袞古來稀滿頭霜雪客懷老過眼輪雲人是非皎々白駒在空
谷好賢誰復詠緇衣

金潤玉隱廢寺閒居

梵刹當年聚衆僧叢林深處著禪扃金沙布地階無土玉軸堆
函藏有經雲樹千尋張翠蓋烟蘿一片展青屏星移物換今寥
落古寺猶存栢子庭

和葺廬韻

地僻渾無車馬喧禪房脩飾稱居安莊嚴固是由心造丹雘多
應被眼瞞佛法不須身外覓世緣只作夢中看我来欲問無生
話萬頃西江一吸乾

偶成簡任蕭齋教諭

百年光景易侵尋消遣閒愁只苦吟但覺筆頭風雨濕不知鬢

底雪霜侵冥鴻已負九霄志老驥空懷千里心富貴倘來應有命何須彈鋏扣知音

百歲光陰一轉蓬晚年不與少年同事因錯處人方省詩到窮時句始工獻賦未逢揚得意憐才難遇杜司空有時追憶昇平事猶道繁華是夢中

貧病交攻久廢詩蕭然一室獨棲遲酒錢已盡琴將典瓶粟無儲鶴亦餓豪傑不多陳仲舉結交惟欠魏無知簞瓢鐘鼎都休計畢竟窮通各有時

奉謝月山太守

太守相過慶誕辰貴能下賤見公心行厨鼎列雙魚美衆客咸瞻五馬臨曲唱銘駝詩白雪杯傳鸚鵡擁青衿寵須東帛尤增感恩與滄溟一樣深

夜坐即事

霜氣侵窓冷客羶青鐙白髮老堪憐光陰明日又明日世事一年難一年眼底江山元似舊胷中風月本無邊道人不作陽臺夢添帳梅花伴獸眠

和茅亦山先生雜詠

風柳吹花糝白羶鶯愁蝶恨有誰憐不知春事又三月堪歎人生無百年清氣長留詩卷裏閒愁不到酒樽邊山窓晝永渾無事一榻分雲枕易眠

身世飄浮水上蓬，閒中清事有誰同。
吟窓夢草添詩料，畫筆生花奪化工。
酒後烏、時擊缶，愁來吐、自書空。
園林寂寞春何處，春在桑麻雨露中。

破硯塵封懶賦詩，晚年才思覺衰遲。
耽書自笑已成癖，煮字元來不療饑。
風月滿懷詩可寫，雪霜侵鬢鏡先知。
太公八十方榮遇，把釣溪邊更待時。

端午月山主人酒邊即事

窗外葵榴照眼明，香蒲沁酒注銀瓶。
自無飲量堪同醉，非慕清名做獨醒。
一日沈湘悲楚客，千年弔古讀騷經。
他鄉記節聊隨俗，艾虎珠符挂戶庭。
時序催人易白頭，端陽懷古客添愁。
珠符不寫湘纍恨，角黍難包楚國羞。
記節何妨斟蟻酒，奪標無復見龍舟。
高歌思遠樓前路，掩雨珠簾今在不。

寄謝蔡松江路教

一別丰標又一旬，尺書多荷寄殷勤。
交游滿眼誰知己，契濶關心獨憶君。
蕙帳夢寒同夜月，松江人遠隔秋雲。
明朝便買扁舟去，來訪貞陽舊廣文。

和杜柳溪韻

白髮垂垂一老夫，年來漸覺世情疎。
石床夢冷和雲卧，茆屋燈殘共月居。
客至何妨賒魯酒，家貧不肖典唐書。
羨君種柳清溪

上借我苔磯學釣魚

和茅亦山秋夜感懷

老來吟拙自知羞，好景無詩未易酬。
湖海愁看今夜月，功名虛度十年秋。
清光偏照廬全屋，孤影自登王粲樓。
我欲乘風蟾窟去，安能與世共沈浮。

茅亦山相過

故人過我竹邊居，談笑從容樂有餘。
洗盞共嘗春甕酒，挑燈對讀夜窓書。
歸來尚憶淵明菊，高卧誰知諸葛廬。
醉後達觀今古事，寥々千載只須臾。

上廉訪分司官

行部巡荒察吏奸，皇々使節古刑官。
聲搖天上星辰動，清逼雲間風露寒。
肅政嚴持三尺法，郵民特放一分寬。
香名已覆金甌底，便作他年宰相看。

和鄭樞山竹夫人韻

玉環傾國起胡兵，有色終汙後世名。
九夏專房何在貌，一身空洞若為情。
寵名本自無心得，婦節從來徹骨清。
愁見婕妤秋後扇，共懷幽恨幾時平。

斑竹夫人

汗青書墨沁肌涼，李衛曾携近竹床。
眼孔盈々看熟客，泪痕點點泣秋房。
湘紋冷澹宜湘簟，玉體玲瓏稱玉郎。
秦錦流封無夢

到傍人空以睡為鄉

遊虎丘山寺

浮生偷得片時閒，古寺尋僧借景看。
樓閣倚雲山氣濕，輓轡捲水澗聲寒。
地埋吳劍痕猶在，碑刻唐詩字未漫。
寄榻禪房不知曉，起來松日已三竿。

賈秋壑圃

不學蒼龍卧浙東，驚飈吟珮墮青瑣。
既無長策安江左，空有名園似洛中。
危棧連雲晴亦雨，飛樓近海夜生風。
人間富貴皆塵土，回首吳山落照中。

聞鶴

寒蟾初上海雲收，何處仙禽過庾樓。
清夜照人千里月，碧天驚露一聲秋。
玉笙縹緲緱山去，羽袂蹁躑赤壁遊。
回首女墻舊時事，千年華表動新愁。

和毛宣尉蓬萊閣韻

傑閣翬飛翠靄間，蓬萊元不在人寰。
綠圍城郭千村水，青遍_遍簾櫳四面山。
華表鶴歸遼海遠，高臺鳳去夕陽閒。
我來倚徧闌干月，雲鎖重門夜不關。

送張按察移節江陵

滿載琴書事宦游，皇、使節重咨諏。
蒲帆風飽三千里，繡斧霜寒十六州。
荆渚行觀新德政，越人共憶舊風流。
市橋衰柳難攀

折只拗梅花送去舟

次鄭朴翁國正見寄

雲深紅日出林遲
晞髮簷前力未衰
老愛歸田追靖節
狂思入海訪安期
春風巷陌楊花後
故國江山杜宇時
一種閒愁無着處
倚窓重讀寄來詩

漁舍觀梅寄脩竹

寒雲漠漠護墻陰
瀟灑梅枝出竹林
影落荒磯和雪釣
香浮老瓦帶春斟
幾憑水驛傳芳信
稔許沙鷗識素心
回首孤山千樹遠
扁舟乘興夢中尋

清明

清明時節已春深
白髮蕭疎忽滿簪
萍梗一生孤客恨
松楸千里故鄉心
浸花窓下分紅影
插柳簷前借綠陰
幸有故人同笑語
不妨沽酒共清吟

贈大禪寺^善昉上人

佛屋叅差傍水涯
天然富貴屬僧家
油幢碧立當軒竹
步障紅圍繞檻花
隱隱磬聲春晝永
停停塔影夕陽斜
白頭道者留連客
自汲山泉煮石茶

贈通玄觀唐道士竹卿

通玄道士苦脩行
坐見桑田幾變更
雲屋苔封燒藥竈
風林花落煮茶鐘
休糧賸有青松啖
卻老應無白髮生
月滿竹卿騎鶴

去欲邀子晉學吹笙

夜宴

醉月飛觴興未闌
蓬壺影裏漏聲殘
碧浮金鼎香脂煖
紅閃銀臺燭
泪乾豔曲喜聽催
拍近狂歌自覺入腔難
賞心樂事輸年少
一點閒愁了不平

隱居

編茆卜隱讀書林
門掩蒼苔一徑深
當戶曉山長識面
臨窓夜月獨知心
花園錦繡翻紅影
竹列琅玕舞翠陰
別是一般清富貴
何須滿塢積黃金

見梅

孤根偷轉一分陽
枝北枝南次第芳
照水曉妝冰鏡冷
橫空雪樹凍雲香
未成林實調金鼎
先占春魁伴玉堂
回憶西湖林處士
年年覓句為伊忙

挽任宅雲

方擬榮除上玉堂
玉樓有召返仙鄉
才過賈誼同年少
齒長顏回一歲亡
師友交情從此絕
死生異路實堪傷
雲邊宅在人何在
腸斷西風淚幾行

寄王愛梅塔下開館

諸生歸去暮庭空
塔下遊觀倚瘦筇
千尺寶輪擎海月
七層金鐸譟天風
升堂儘可同僧飯
持鉢何須聽寺鐘
好把新詩題舊

辟他年應有碧紗籠

送人歸洛

白眉公子氣昂、年少多才姓氏香
腹飽儒書宗孔孟心傳醫學祖岐黃
秋亭聽鶴遊吳會春館看春花憶洛陽
老我自憐身是客江湖又送客還鄉

上李承旨學士三首

儒林學海老宗師每恨聞名識面遲
一部山川司馬記百篇風月謫仙詩
玉堂揮翰思當日金鼎調元定此時
抱負大才應大用行看事業邁周伊

表、聲名動縉紳金鑾奏事舊詞臣
胸中千古淵源學天下十分端正人
猶記演綸依日月行看聽履上星辰
枝南枝北雲山異何日樞衣拜後塵

中朝人物揔稱賢恬退閒居又幾年
獨抱丹心長戀闕因思綠野且歸田
未應雋軌淹東魯行看文星照北燕
見說君王思國老鶴書即下九重天

寄月山少監

南北相望各一天江湖久別思凄然
迢迢道路三千里倏忽光陰五六年
清節立朝君可羨白頭為客我堪憐
折梅難寄江南信惟有新詩數十篇

哭劉月邨

交游惟子獨相知此老天胡不憇遺行輩彫零亡益友文風寡
落失儒師在生曾與傳遺像臨死猶能寄別詩月落村空人不
見傷心千古隔幽期

三山秀氣孕英奇表：才名冠一時唐殿策高菁不第荊州人
去策何依傳家有子猶堪羨埋骨無山亦可悲田得帚金詩藁
在燈窓讀罷淚沾衣

和仇山村九日吟卷

暮秋景物覺荒涼觸景凭高遡杳茫歸隱清如陶靖節苦吟瘦
似沈東陽烟橫晚浦蕪葭綠碧霜落寒林橘柚黃追想漢宮當日
事賜宴罷謝君王

寄錢竹深

夢斷膏粱記幾年捨身事佛絕塵緣把茆蓋屋孤峯頂片衲蒙
頭萬竹邊支遁才高交杜老參寥詩好動蘇仙何當盡棄人間
事特地來叅一擊禪

見天地心松江府題學

乾坤主宰妙難窺識破端倪便可知陽動於陰分太極剝窮必
復露真機化工自有經綸處生意元無間斷時萬象皆春從此
始細叅義畫究精微

白鴈

征鴻素縞過南樓衣褐同羣孰與儔雲外排行分玉季天邊印

字帶銀鈎高飛遠塞疑雲鶴低落平沙顛雪鷗夜月蘆花無認
處惟聞嘹唳數聲秋

即席和衛山齋韻并呈顧淵白路教

燭夜飛觴客在山同看明月上雲端粘天水濶蟾光濕捲海風
高蜃氣高會友幸逢三益在娛情休恨四并難座中喜有能詩
者便作唐時顧况看

梅魂武林試中

夢覺羅浮迹已陳至今想像事如新相思一夜窓前月似見三
生石上春的一孤芳水氣魄疎冷蕊雪精神料應楚些難招
至欲倩花光為寫真

書懷

湖海難鬢易絲平生壯志與心違一千里外家何在三十年
前事已非孤正首丘應待盡鶴思華表尚忘歸書齋兀坐懷今
昔淚落西風濕客衣

甲子歲旦

天開正旦宿雲收宇宙陽回和氣浮歲換上元新甲子時同太
古舊春秋朱顏不逐年華改清思惟從造化游柏酒滿斟吟興
動題詩記節自賡酬

白酒歌為巖翁賦

火雲燒空日色烈暑氣著人方鬱結岩翁宴客水亭東竹色葉

香獻清絕衣削水晶蓮剖珠象著犀盤盛陳列銀罌捧出白醖
醅透鼻香濃風味別傳來未到心已寒澹：瓊光瑩而潔初疑
炎帝行冬令壺結冰嘶洗袪熱又疑仙掌流沆瀣破 傾來和
玉屑誰向藍田拾瑤英釀成奇液色澄澈恐是太華井中溢脩
綆銅餅汲不竭又恐夜半雷破山石髓分流乳泉裂既非西絡
綿羊酥又非緱山仙鶴血胡為照眼光陸離藥玉盤中色難別今
人敢嚙不敢漱怕有飛霜寒齒頰一盃一盃復一盃肺腑盡化為
冰雪憶昔曾誦坡仙詩白酒無聲瀉油滑開編自覺饒涎流
詎謂今朝得親啜主人醞藉如此酒氣味清醇韵芳冽舖糟諸
子醉六經已負長才特施設君王作醴思用賢應向商巖求麴蘖

侍郎亭

東鄰花園栽雙松一朝煨燼枝葉空侍郎亭前有雙松至今古
色摩蒼穹此木受命本千載扶持若有神始終天留真質表文
獻柯葉蕃茂根本豐百年培植飽雨露虬枝風撼鳴笙鏞掀髯
相視雪質：擁蓋對立雪童：不知天地有黃落玄冥失柄春
無功雲孫峩冠立亭下典刑如侍乾淳翁昂藏自是廊廟具天
矯亦有山林風稜：鐵面不可犯麾去秦爵如飛蓬諸孫奉酒
立松下森：頭角皆虬龍

題東山翫月圖

斜陽紅盡暮雲碧一片天光涵水色海濤擁出爛銀盤千里婵

娟共今夕主人領客登東山踏碎寒光看秋液星河倒影浸空
明露華溥玉夜氣清馮夷激水勢欲立海若辟易天吳驚孤舟
捲帆泊烟嶼古木撼壑生秋聲憑高人在金鰲背聞看潮生烟渚
外老龍翻海雲氣寒長鯨捲雪浪花碎茫茫萬頃滄浪中屹立
孤峰鎖蒼翠山巔掃石羅樽疊賓主傳杯不放杯騷客掀髯賦
詩去山童踏月携琴來劇談浩飲不知醉仰天大笑歡顏開倒
著接羅欲起舞乾坤清氣入肺腑天邊風月空宜四時眼底江山
自千古謝安躡屐遊東山袁宏登舟宴牛渚庾亮南樓今在不
坡仙赤壁如何許滿眼往事轉頭空千年人物俱塵土人生光
景景若滿流霜痕易點雙鬢秋胸中勿著塵俗事眉間休鎖名利
愁我輩適意在行樂古人所以秉燭遊月山追憶舊遊處畫寫
風烟入縑素我來見畫如見景想像高唐猶可賦諸君後會應
可期雲萍合散今何之安得扁舟激去日與杖履相追隨登
山把酒醉明月共看此畫歌此詩

醉時歌

茫茫古堪輿何日分九州封域如許大僅能著我胸中愁澆愁
須是如澁酒麴波釀盡銀河流貯以倒海千頃黃金壘酌以傾橫
江萬斛玻璃舟天為青羅幕月為白玉鉤月邊天孫織雲錦製成
五色蒙茸裘披裘把酒踏月窟長揖北斗相勸酬一飲一千石
一醉三千秋高卧五城十二樓剛風冽冽吹酒醒起來披髮騎

赤虬大呼洪厓拍浮丘飛上崑崙山頂頭下視塵寰一培塿揮
斥八極道遙游

天台山人黃庚著 清源門塔林伯良集

西秦菊存張模校正

月屋漫藁序

唐以詩為科目詩莫盛於唐而詩之弊至唐而極宋以文為科
目文莫盛於宋而文之弊至宋而極甚矣詩與文之極其弊而
難於其起弊也自有虞明良之賡歌已非太古忘言之天矣三
代以還雖王者之迹熄而世猶近古其播於聲詩散為辭令形
於規諫諷刺者皆所以紀一時之實豈好為是虛言哉國以詩
文立科目非世道之幸士以詩文應科目又豈人心之幸宜古
道之滋不可挽也嗚呼自孔子刪定繫作以來詩書易春秋之
文僅存而其道則泯矣以言乎詩自三百五篇訖於戰國詩之
脉幾絕而騷續之故騷有功於詩騷之下有選由選而至於唐

惟杜少陵為備以言乎文自獲麟絕筆之餘諸子百家蝟興蠹起不有孟子之書出則聖人之道晦矣故孟子功不在禹下至若荀楊之簧鼓聖言班馬之戶牖古史歷三國六朝隋唐之世斯文微如一髮而韓昌黎力挽古學沿唐而宋則歐陽出焉嗚呼盛者乃所以為衰也然詩盛於唐唐之詩脉自杜少陵而降詩以科目而弊極於五代之陋文盛於宋之文脉自歐陽諸公而降文以科目而弊而弊極於南渡之末年以科目而為詩則窮於詩以科目而為文則窮於文矣良可歎哉僕自齠髻時讀父書承師訓惟知習舉子業何暇為推敲之詩作閒散之文哉自科目不行始得脫屣場屋放浪湖海凡平生豪放之氣盡發而為詩文且歷攷古人公襲之流弊脫然若醯鷄之出甕天坎蛙之出蹄涔而遊江湖也遂得率意為之惟吟詠情性講明禮義辭達而已工拙何暇計也於是裒集所作詩文總繕寫成編命之曰漫藁以為他日覆瓿之資若曰復古道起文弊則有今之韓杜在天台山人黃庚星甫氏序

皆泰定丁卯孟夏作

月屋樵吟序

昔在有元入主中夏類不用華人居要地雖有豪傑亦在閒散而堯舜君民之道卒蓄弗得施士生其時有欲進而弗遇者亦惟退隱畝畝或放浪江湖間凡其平生所蘊藉者一於詩文發泄之譬諸射陽之珠豐城之劍雖沈埋於淵泉而其英、光彩燭於九天之表者自不得而掩之予弟頤在翰林嘗寄天台黃庚星甫所為月屋樵吟一帙惟律詩數首其才膽其氣昌其音律聲響若晚唐人因愛之後數年頗復寄其全集云得於同寅謝鳴治侍講取而讀之益知其刻意於詩殆所謂欲進而不遇者非邪余既美其用心而惜其時之弗遭因校正其譌者命刊

於西塾以傳焉其詩有一二不全者恐其猶有遺失俟後得而續之嗚呼遇不遇時也得不得命也至於身雖不遇而其言足遺於後較之紆金拖紫炫耀當時而後世泯沒無聞者又孰得而孰失也邪然則是詩之出皇甫亦未必為不遇也嘗
成化十三年歲在丁酉春三月朔日山西都司署都指揮僉事
維揚張泰時亨書於陸親堂之東軒

惟正七年歲己酉春抄借王乃昭鈔本再校一過又改正數字

蓮涇書季六十有七



古詩

暮景

落日照村塢竹扉猶未閉舉頭送飛鳥已見月在山亦知暮景迫
且寄須臾間美人眇何許對影成獨還

楊花

春初楊花生春暮楊花起入水化浮萍漂流不知止花葉本一根
萍水各千里嗟今之人同氣多如此

浩歌

寥々上古世人心澹無為飢食渴則飲風俗常熙々世變質素散
巧偽日益滋蠅營事聲利狗苟爭奔馳富貴移其心肯顧名節虧
宰相食萬錢至今荆棘悲何如山澤癯飯粟烹秋葵甲第倚霄漢
白日山鬼窺何如羅雀門容膝足自怡堆錢一百屋終焉竟猖披

何如挿架書中有聖賢師絃管擁珠翠樂極哀隨之何如靜閉戶
一曲調招絲醉倒琉璃鍾擊碎珊瑚枝何如老瓦盆古意復何危
亭犬憶上蔡誰憐丞相斯聽鶴思華亭誰念將軍機花成金谷塵
豆落南山箕萬事轉頭夢百年幾興衰羊腸世路險蛇影人心疑
勢利難久交道義端可期肥遯豈不嘉肯受塵鞅羈貧賤安其久
行藏付之時浩歌復浩歌一笑悟昨非

秋夜書懷寄詩友

商飈動天宇草木皆秋聲蕭騷景物變淒其羈旅情美人隔江水
良晤苦無幾寒月耿遙夜清光共千里衷腸結沉憂感此歲月流
百年一炊黍身世漂虛舟我生逾半百漸覺暮景迫衰顏不再紅
短髮忽已白富貴挽不來道路空塵埃豈無耕釣地故園荒蒼苔
栖：江之許窮居良亦苦讀書懷昔賢聲光渺何許顏淵洙泗人

陋巷安貧賤一日克己私天下皆歸仁曾子困於衛肘露衿袖弊
一唯妙一傳終焉師百世淵明阮窮時乞食囊無資高風凜莫攀
千古歸來辭賢哲多窮悴脩名塞天地所以我輩貧造物有深意

題太白浩飲圖

太白天酒仙天上不可留寥廓茫：九萬里翻然來下騎赤虬左
蹴大江濤右視黃河流笑此一勺酒豈充長鯨喉手扳北斗招搖
柄仰天倒吸銀河秋銀河萬頃水為竭蟾驚兔走星象愁太白方
悠然掀髯視九州吁嗟天人已去不復見惟有圖畫光焰萬丈明
雙眸我欲勇往從之遊吟魂飛上崑崙丘

勸酒歌

君不見空中雲倏如白衣忽蒼狗又不見世上人昨日朱顏今皓
首漢陵豺虎行吳宮麋鹿走楚山抱玉徒自悲鄙塲藏金竟何有

古來萬事難盡陳不如春風一杯酒短童挈榼相往還共月恁行
山川間芳葩紅灼灼幽鳥鳴關關今日不飲待明日明日恐無今
日閑揮手酒勿停爛熳對君酌尊空更造黃公鑪判取接羅顛倒
着堯舜千鍾孔子百瓢况是舊日高陽徒擊唾壺歌鳴與君醉
鄉歸去乎

田家辭

春蠶未上箔已擬新絲賣秋穀未登場已償舊來債心頭既無肉
可剜眼前却有瘡難瘡瘡醫不瘡猶自可悍吏催糧似星火官司
明文減分数苛微急欲催全課我願君王莫賜租轉教官吏急追
呼但願賜我賢守令牛多千頭桑萬株

古書流通處

康熙歲乙未偶見琴川毛氏月屋推吟假以較勘改注增
補數首殊覺增入并鈔古詩二翻附後 蓮注王林子識

得五蓮活方湯起

此月屋漫蒿之蓮活家物也秋濤為蓮活
族孫故藏弄最多有為秋濤集余者有
由淘之柳方片而何歸余者余與蓮活若
者夙習焉甲寅冬季秋濤携此并舊物
將竟案雜記諸書不念一孺秋濤直頗
昂因還之乙卯仲春秋濤來會曰向
所不為今當歸子雖薄直勿計也相與故

以此樂稱
為白日偷
其多也
計也
請何
歸請
余
二
喜
而
收
以
誌

此方去而後
來
散
而
復
而
收
之
語
曰
必
善

者
為
蓮
花
譜
之
復
而
收
之
難
蓮
已
未
之
許
偷
與
書
肆
文
何
語
焉

時
乙
卯
三
月
朔
楚
人
黃
玉
書
於



國家圖書館, NATIONAL CENTRAL LIBRARY, TAIWAN

